

غنيته

الليل عن وجه القمر مفهوق
والعود .. مالومك إلى ملتي !!
غصن على ساقى .. وفيه عذوق
وش الغريبة لو تمايلتي !!؟
لكن قبل تمشين !! أنا مسروق !!
من صدري قبل شوي .. وش شلتي !!؟
أتلى العهد به .. قابضه معلوق
من ساعة أقبلي وحوّلي !
ماريته .. خالي وفيه فتوق
رديّه .. وأعدك تجمّلي !!

محمد بن فطيس

شفتك .. وزاد بي الولع والشوق
غنيته من ساعة أقبلي !
عيني ماقد شافت كذا مخلوق
كنك على ذوقي تشكّلي !
قلتي لي : إصبر .. بس أنا .. المطفوق
عجّلت في شوفك وعجّلي !
أثر معك لي .. مرسل ومسبق
عزّ الله إنك .. قلتي وطلتي !
عين وشفاه وعاتق منتوق
وجسم تغطّينه .. ولا إحتلي !!



عشقي الضامي

باين عليك الوله يا عشقي الضامي
باين من ايديك شفها تحضن ايديني
الشوق حامي وكلك جيتني حامي
واشعلت نار المحبة بينك وبينني
حتى بهروبك تجي واطيح قدامي
عرفتك زين ما تقدر تخليني
انفيك من واقعي تطلع مع احلامي
يا تقتنع بالزمن يا تقتنع فيني
يعني وهم عاد انا تعجبني اوهامي
مرات اشوفك قبل ما تلمحك عيني
يا عل عمرك طويل اطول من ايامي
خايف من الشوق في غيابك يعزيني
وشلون ما اكتب شعر وعيونك الهامي
اصلا انا كل ما اكتب فيك تغريني
ياضامي العشق واللي يعشقك ضامي
تحمد الله يومك طحت في ايديني

عطالله فرحان

